



REPUBLIKA E KOSOVËS / REPUBLIKA KOSOVA

GJYKATA THEMELORE FERIZAJ - DEGA E GJYKATËS KAÇANIK

---

Numri i lëndës: 2019:074208

Datë: 06.10.2020

Numri i dokumentit: 01166438

**P.nr.39/19**

### **NË EMËR TË POPULLIT**

**GJYKATA THEMELORE FERIZAJ - DEGA KAÇANIK**, Gjyqtari Burim Çaka, procesmbajtësja Suzane Rudi, në çështjen penale kundër të pandehurit V.I nga fshati. ... Komuna e Kaçanikut, për shkak të veprës penale “Vjedhje pylli” nga neni 358 par 1 të KPRK-së, sipas aktakuzës PP/II.nr.147-9/19 të datës 24.01.2019, pas mbajtjes së shqyrtimit gjyqësor jo publik më datë 23.09.2020, në praninë e Prokurores së Shtetit Ajtene Zoni, të pandehurit V.I dhe përfaqësueses së palës së dëmtuar - Ilirjana Berisha, mori dhe publikisht shpalli ndërsa më datë 06.10.2020 përpiloi këtë:

### **A K T G J Y K I M**

**I pandehuri** V.I nga fshati. ..., Komuna e Kaçanikut, i lindur më datë ..., nga i ati K..., e ëma R... e gjinisë H..., me numër personal, ..., i martuar, ka të kryer shkollën fillore, i pa punë, i gjendjes së varfër ekonomike, shqiptar shtetas i Republikës së Kosovës, i gjykuar më parë, mbrohet në liri.

### **ËSHTË FAJTOR**

Më 22.12.2018 rreth orës 15:40 në vendin e quajtur “L...”, në rajonin ekonomik pyjor – Kaçanik, me qëllim vjedhje me sharrë motorike ka prerë 60 copa drunjë të llojit të ahut dhe bungut, me diametër 15-15cm, me lartësi 8 m, me vëllim të përgjithshëm prej 3m<sup>3</sup>, vlera e dëmit të shkaktuar palës së dëmtuar është 421.50 €

Me të cilat veprime ka kryer veprën penale vjedhje pylli nga neni 358 par 1 të KPRK-së

Andaj duke u bazuar në dispozitën e lartcekur dhe nenin 2, 41,46, 73, 74, 75 dhe 76 të KPRK-së dhe nenit 365 dhe 453 të KPPK-së e:

## G J Y K O N

I. Dënim me gjobë në shumë prej 400€ (Katërqind euro) të cilën gjobë i pandehuri është i obliguar që ta paguaj në 2 këste mujore në afat prej 2 muajsh pas plotfuqishmërisë së këtij aktgjykimi. Nëse i pandehuri nuk e paguan këstin me kohë, mundësia e pagesës më këste do të revokohet.

Nëse i pandehuri nuk dëshiron apo nuk do të mund të paguaj dënimin me gjobë, i njëjti dënim do t'i zëvendësohet me dënim me burg duke llogaritur për çdo 20 euro të gjobës me 1 (një) ditë burgim.

II. Obligohet i pandehuri që palës së dëmtuar t'ia paguajnë dëmin në vlerë prej 421.50 €

III. Obligohet i pandehuri të paguaj shpenzimet e procedurës dhe paushallit gjyqësor në shumë prej 20 € dhe në emër të Fondit për Kompensimin e Viktimave të Krimin të paguaj shumën prej 30 €, të gjitha këto në afat prej 15 ditësh nga dita e plotfuqishmërisë së këtij aktgjykimi.

## A r s y e t i m

Pjesa hyrëse

Prokuroria Themelore Ferizaj ka ngritur aktakuzat PP/II.nr.147-9/19 të datës 24.01.2019, kundër të pandehurit V.I nga Kaçaniku, për shkak të veprës penale “Vjedhje pylli” nga neni 358 par 1 të KPRK-së dhe ka propozuar që të pandehurin ta shpall fajtor dhe t'i shqiptohet sanksioni penal konform ligjit në fuqi.

Gjykata duke vepruar sipas kësaj akuze caktoi dhe mbajti seancën e shqyrtimit gjyqësor më datë 23.09.2020.

Seanca nuk ishte publike për shkak të pandemisë Covid 19 dhe vendimit të Këshillit Gjyqësor të Kosovës KGJK-Nr.85/2020, të datës 29 maj 2020

Pas leximit të aktakuzave nga ana e prokurores së shtetit, i pandehuri e pranoi fajësinë për të gjitha pikat e aktakuzës, i ka premtuar gjykatës që në të ardhmen nuk do të kryej vepra tjera penale dhe se është pënduar për rastin e ndodhur

Prokurori i Shtetit duke shprehur mendimin e tij përkitazi me pranimin e fajësisë, ka vlerësuar se ekziston baza për pranimin e fajësisë së të pandehurit ngase i njëjti është bërë konform nenit 248 të KPP-së, dhe i ka propozuar gjykatës që të pandehurin ta shpall fajtorë dhe t'i shqipton dënim sipas ligjit.

Përfaqësuesja e palës së dëmtuar ka deklaruar se dakord me pranimin e fajësisë dhe mbështet fjalën përfundimtare të prokurores së shtetit si dhe si palë e dëmtuar parashtron kërkesë pasurore juridike dhe atë duke u bazuar në procesverbalin e datës 26.12.2018, procesverbal i hartuar nga komisioni vlerësues.

#### Vlerësimi i pranimin të fajësisë

Pasi që i pandehuri ka pranuar fajësinë në fillim të shqyrtimit gjyqësor, gjykata për të vlerësuar pranimin e fajësisë e duke pasur parasysh edhe mendimin e Prokurorit të Shtetit, shqyrtoi me kujdes faktet e parapara nga neni 248 paragrafi 1 të KPPK-së dhe me këtë rast vlerësoi se: I pandehuri ka kuptuar natyrën dhe pasojat e pranimin të fajit; Pranimi është bërë vullnetarisht; Pranimi i fajit mbështet në faktet dhe prova materiale të rastit konkret dhe atë me provat e paraqitura nga Prokurori i Shtetit të cilat gjenden në shkresat e lëndës, të gjitha këto prova të mbledhura gjatë procedurës hetimore; Akuza nuk përmban asnjë shkelje të qartë ligjore ose gabime faktike.

Duke vlerësuar në aspektin juridik gjykata gjeti se në veprimet e të pandehurit ekzistojnë të gjitha tiparet objektive dhe subjektive të veprës penale vjedhje pylli nga neni 358 par 1 të KPRK-së, në mënyrë, vend dhe kohë siç është përshkruar në dispozitivin e këtij aktgjykimi.

#### Rrethane lehtësuese dhe rënduese

Me rastin e matjes së llojit dhe lartësisë së dënimit, gjykata vlerësoj rrethanat në kuptim të nenit 73, 74, 75 dhe 76 të KPRK-së, dhe gjeti si rrethanë posaçërisht lehtësuese se i pandehuri e ka pranuar fajësinë në fillim të shqyrtimit gjyqësor, rrethana lehtësuese faktin se është i gjendjes së varfër ekonomike, është penduar dhe i ka premtuar gjykatës që në të ardhmen nuk do të përsërisë vepra tjera penale. Gjkata si rrethana rënduese nuk gjeti.

Gjkata, të pandehurit i shqiptoi dënimin si në dispozitiv duke marrë parasysh rrethanat lehtësuese dhe rënduese, faktin se i pandehuri ka bërë pranimin e fajësisë, ndërsa dënimin me gjobë e shqiptoi duku u bazuar mundësitë ekonomike të pagesës së të pandehurit dhe duke u bazuar në minimumin dhe maximumin e dënimit, Gjkata vlerëson se me këtë dënim do të arrihet qëllimi i përgjithshëm i dënimeve i paraparë në nenin 41 të KPRK-së, përkatësisht dënimi i shqiptuar është plotësisht i justifikueshëm, në përshtatje me rrethanat e kryerjes, rrezikshmërinë e saj dhe të autorëve të saj, që do të shërbej në parandalimin e kryesit nga kryerja e veprave penale në të ardhmen (preventiva speciale) si dhe do të arrihet qëllimi i përgjithshëm i dënimit.

#### Vendimi për kërkesat pasurore juridike

Vendimi për kompensimin e dëmit palës së dëmtuar, është marrë në bazë të nenit 458 par 2 të KPPK-së dhe duke u bazuar në pranimin e fajësisë për të gjitha pikat e aktakuzës nga ana e të pandehurit dhe vlerësimit të dëmit të vlerësuar nga pala e dëmtuar

Konform neneve 450 dhe 453 të KPPK-ës, i detyroi të pandehurin që në emër të shpenzimeve procedurale dhe paushallit gjyqësor, t'i paguaj kësaj gjykate shumën prej 20.00 € dhe atë në afat prej 15 ditësh nga dita e plotfuqishmërisë së këtij aktgjykimi.

Konform nenit 39 par 3 pika 3.1 të ligjit Ligji Nr. 05/L -036 për Kompensimin e Viktimave të Krimit gjykata e obligoi të pandehurin të paguaj shumën prej 30.00 € Fondit për Kompensimin e viktimave të krimit dhe atë në afat prej 15 ditësh nga dita e plotfuqishmërisë së këtij aktgjykimi

Mbi bazën e të dhënave si më lart, në bazë të neneve 248 dhe 365 të KPPK-së, u vendos si në dispozitivin e këtij aktgjykimi

## **GJYKATA THEMELORE FERIZAJ**

**Dega në Kaçanik**

**P.nr.39/19 datë 06.10.2020**

Procesmbajtësja  
Suzane Rudi

Gjyqtari  
Burim Çaka

**KËSHILLA JURIDIKE:** Kundër këtij aktgjykimi mundet të ushtrohet ankesë në afat prej 15 ditësh nga dita e pranimit. Ankesa i drejtohet Gjykatës së Apelit në Prishtinë, përmes kësaj Gjykate.